

<https://news.usm.my>

Berita Mutakhir

19
JUN

PROGRAM SINGGAH SAHUR MPPUSM SANTUNI WARGA HOSPITAL

 untitled8yt78

KUBANG KERIAN, 19 Jun 2016 – Majlis Perwakilan Pelajar (MPP) Universiti Sains Malaysia (USM) Kampus Kesihatan membuat kejutan Singgah Sahur di Hospital USM pagi ini.

Program ini dilaksanakan bagi menyantuni warga hospital yang terdiri dari para doktor, warga perubatan, jururawat, pegawai keselamatan serta waris pesakit yang menunggu di wad.

Program kali ini disertai oleh 20 orang pelajar dan diketuai oleh Pengerusi MPP USM Kampus Kesihatan Ahmad Syahmi Rasyad, dimulai dengan berkumpul di perkarangan hospital seawal jam 3.00 pagi untuk memulakan kerja pengagihan juadah sahur.

Menurut Ahmad Syahmi, sudah menjadi tradisi MPPUSM Kampus Kesihatan setiap kali Ramadan mengadakan program singgah sahur ini untuk mendekati masyarakat dan warga staf yang bekerja pada syif malam.

"Waktu kita masih lagi tidur nyenyak dan lena dibuai mimpi, wira-wira inilah yang bertugas dan memastikan kesemuanya berjalan lancar menjaga kesihatan masyarakat dan sumbangan sekecil ini diharap dapat membuatkan mereka berasa dihargai dan sentiasa diingati kerana merekalah sebenarnya wira yang menjaga kita tanpa mengira masa," kata Ahmad Syahmi.

 untitledbhu

Jelasnya, kebanyakan warga staf yang bekerja syif malam pada bulan Ramadan akan bersahur secara ala kadar kerana mereka perlu menjaga pesakit sepanjang masa bertugas.

Bagi salah seorang peneman pesakit Ruslaini Abd Wahab, kehadiran dan kunjungan daripada pelajar USM singgah sahur pada awal pagi ini membuatnya terharu.

"Memang seronok tengok ada yang masih mengambil berat, prihatin dan sedar tentang kami yang tidak pulang ke rumah dan bersahur bersama keluarga," katanya.

 untitledygf

Program tersebut berakhir jam 5.10 pagi sebelum mereka ke Masjid USM Kampus Kesihatan untuk menunaikan solat subuh berjemaah.

Teks/Foto: Mohamad Iqmal Mathlan



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my \(mailto:pro@usm.my\)](mailto:pro@usm.my)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015